

Kalaallit Nunaanni eqqartuussiviit eqqartuussisoqarfinni eqqartuussisunngorniartussanik pissarsiorput

Kalaallit Nunaanni inatsisitigut isumannaatsuunermik pitsanngorsaaqataarusuppit? Eqqartuussisoqarfinni eqqartuussisunngorniatut eqqartuussivinnik inatsilerituunik tunngaveqarluni ineriartortitsinermi qitiusumik inissisimaffeqalissaatit – naalagaaffimmilu pissaanerit pingajuannut ilaalerlutit, tamatumani kiffaangissuseq, innarligassaanginneq piginnaasaqassuserlu toqqaviupput.

Kalaallit Nunaat pingaarutilimmik ineriartuleruttorpoq: Eqqartuussiviit inatsilerituunik tunngaveqarnerunissaannut saakkiartorpugut, tamatumani eqqartuussisoqarfinni eqqartuussisut pingaaruteqarluinnarput. Eqqartuussisoqarfinni eqqartuussisunngorniatut allannguinnermut tamatumunnga ilaassaatit – eqqartuussinermullu pissaanerup nukittunissaanik, kiffaangissuseqarnissaanik piginnaasaqarluarnissaanillu toqqaveqarnissaata qulakkeernissaanut peqataassallutit.

Atorfik akisussaaffitalik pingaarutilillu

Eqqartuussisoqarfinni eqqartuussisut Kalaallit Nunaanni eqqartuussinerni siullerni suliassat tamarluinnangajaasa isumagisarpaat – tassunga ilaapput pinerlunnermik suliassat, toqusut piinik suliassat, akiliitsiniarnermik suliassat angajoqqaatullu akisussaannermik suliassat. Eqqartuussinermik aqutsineq aalajangiinerillu akisussaaffigissavatit innuttaasunullu, oqartussaasunut eqqartuussivinnullu allanut qanimut attaveqassallutit. Eqqartuussisoqarfinni eqqartuussisunngorniatut sulianik ingerlatsinissamut tunngatillugu qitiusumik inissisimaffeqassaatit – akiliitsiniarnermik suliassat ataasiakkaaniit pinerlunnermik suliassanut imaannaangitsunut ilitsersorneqarlutit siunnersorneqarlutillu isumagisassavatit.

Ilinniarneq pillugu

Eqqartuussisoqarfinni eqqartuussisunngorniarneq ukiunik marlunnik qaammatinillu pingasunik sivissuseqarpoq, ilinniarnermilu atuagarsoneq misileraanerlu ilaapput. Eqqartuussisoqarfimmut atassuserneqassaatit, aamma eqqartuussisoqarfimmi eqqartuussisumik ilitsersuisumit inatsilerituumillu ikiorneqartassaatit.

Ilinniarnermi suliassaqrifiit ataasiakkaarlugit sammineqassapput taamaalillutit piginnaasavit ineriartornerat ilutigalugu annerusumik akisussaaffeqalerniassagavit. Akiliitsiniarnermik suliassat nalinginnaasumik aallartissutigissavatit ilinniarnivillu ingerlanerani ilaatigut pinerlunnermik suliassat toqusullu piisa allanut tunniunneqarnerat pillugit suliassani eqqartuussivinni ataatsimiinnerit aqutsisuusassallutit. Nammineerlutit aalajangiisalernissat anguniagaavoq.

Ilinniarnermut ilaapput:

- Nunatsinni Eqqartuussivimmi atuagarsornerit sisamat naatsut.

- Danmarkimi eqqartuussisutut fuldmægtiginngornianut pikkorissartitsinerit sisamat.
- Eqqartuussisoqarfimmi sulianik sungiusarneq tamatumanilu suliassat sapernarsiartussallutik.
- Eqqartuussisoqarfinnut allanut inatsisilerituutullu suliaqartarfinnut naleqquttunut sulisutut angalanerit.
- Ingerlaqqissinnaajumalluni misilitsinnerit marluk naggataarutaasumillu pisuusaartitsinerik, eqqartuussivimmi ataatsimiinnermik oqaluttariarsornermillu misilitsinneq.

Soraarummeernermi angusiguit eqqartuussisoqarfimmi eqqartuussisutut aalajangersimasumik atorfinitsinneqarnissaq pillugu qinnuteqarsinnaavutit – atorfillu tamanna sulinermi nammineersinnaanermik suliffimmilu toqqissisimanermik annertuumik tunisisarpoq.

Eqqartuussisoqarfinni eqqartuussisunngorniarneq pillugu uani atuarnerusinnaallutillu nalunaarut, ilinniarnermik aaqqissuussaq ineriartortitsinerlu pillugit paasisaqarsinnaavutit:
www.domstol.dk/groenland/om-domstolene-i-groenland/uddannelse/kredsdommere

Kalaallit Nunaat tamakkerlugu eqqartuussiveqarfiit pingaaruteqarluinnartumik innuttaasunut qanimut suliaqartuupput. Piffissami aggersumi Nuup avataani eqqartuussiveqarfiit tigusaqarnerusinnaanissaminnut pisariaqartitsipput, ulluinnarni eqqartuussisarni innuttaasunillu attaveqarnermut eqqartuussisuusut pingaaruteqarluinnartumik inissisimavianni.

Illit ujartugarivatsigit:

- Inatsisilerituutut ilisimatusarfimmi ilinniagaqaruit (cand.jur. imaluunniit bach.jur.). Inatsisilerituunngorniat immikkuullarissumik akuerineqassanersut nalilersorneqarsinnaavoq.
- Kalaallisut qallunaatullu oqaluttarlutillu paasisaruit. Eqqartuussivinni ataatsimiinnerni oqaatsit taakku marluk atorlugit aqutsisuusinnaassaait.
- Kalaallit piorsarsimassusiat inuiaqatigiittullu atugaat ilisimasaqarfigilluarlugillu soqutigukkit.
- Suleqatiginnillaqqissuuguit nammineerlutillu akisussaaffimmik pingaartitsillutit sulisinnaaguit.
- Tatitussuseqaruit, alaatsinaakkuit ilinniarnissamullu piumassuseqaruit.
- Naapertuilluarnermik inuillu inuunermi atugaannik soqutigisaqaruit.

Akuerisaajumallutit kommunalbestyrelsimut qinersisinnaatitaanermut piumasaqaatinik eqqortitsissaait. Pinerlunnermik suliarni eqqartuussaasimassanngilatit. Eqqartuussisusarnik toqqaasartut pingaartippaat suliarni inuttullu pikkoriffeqarnissaq – aamma illit ammanissamut, tutsuignarnissamut atorfirmilu kiffaanngissuseqarnissamut piginnaasaqarnerit.

Neqeroorutigavut:

- Ilinniagaq asseqanngitsoq pikkunartorlu siunnersorneqarnikkut suliakkut ineriartorfiusoq.
- Kalaallit Nunaanni Danmarkimilu ilinniarneq.

- Isumaqtigiissutit atuuttut naapertorlugit ilinniagaqarnerup nalaani aalajangersimasumik akissarsiaqartitsineq.
- Atorfinitinneqarnermi angalanermik nuunnermillu akiliunneqarneq.
- Inissaq innersuussutigineqarsinnaavoq.
- Siunissaq: Ilinniakkamik naammassinninnerup kingorna eqqartuussisoqarfimmi eqqartuussisutut aalajangersimasumik atorfinitinneqarumallutit – atorfirmut assut nammineerfiusumut suliffimmilu toqqissisimanartumut – qinnuteqarsinnaavutit.

Eqqartuussisunngornianik pissarsiniariaaseq

Thomsen Consultingip eqqartuussisunngornianik pissarsiniarnermi tamarmi Eqqartuussisussanik Toqqaasartut ikiussavai.

Eqqartuussisussanik Toqqaasartut kissaatigivaat eqqartuussisoqarfimmi eqqartuussisunngorniartut aallartissasut ulloq 01. juli 2026 kingusinnerusukkulluunniit.

Ulloq qinnuteqarfissaq kingulleq tassaavoq u. 12. maaji 2026. Atorfirmut qinnuteqassaait qinnuteqaavit, illit pillutit CV-p allagaatillu allat naleqquttut Thomsen Consultingip atorfiit pillugit nittartagaanut ikkussinikkut. Illit pillutit paasisutissat sapinngisamik pitsaanerpaamik isumannaarumallugit qinnuteqaait e-mailikkut tiguneq ajorpavut.

Apeqqutit nalinginnaasut kiisalu eqqartuussisussanik pissarsiniariaaseq pillugu apeqqutit Niels Thomsenimut saaffiginnisutigineqassapput ugguuna mobil +299 586636 / +45 5432 8408 imaluunniit niels@thomsen.gl.

Atorfik pillugu sulit apeqqutissaqaruit attavigikutsoorsinnaavat Kirsten Hee Larsen oqarasuaatikkut +299 363800 imaluunniit kihl@domstol.gl.

Kalaallit Nunaanni eqqartuussiviit pillugit

Kalaallit Nunaanni eqqartuussiviit tassapput Nunatta Eqqartuussisuuneqarfia, Nunatsinni Eqqartuussivik eqqartuussisoqarfiillu sisamat. Eqqartuussisoqarfinniit Nunatsinnilu Eqqartuussivimmit suliareqqitassanngortinneqartut Nunatta Eqqartuussisuuneqarfiata suliarisarpai. Nunatsinni Eqqartuussiviup suliasat inatsit naapertorlugu eqqartuussivimmit tamatumanga eqqartuussivittut siullertut isumagineqartussatut aalajangersarneqarsimasut kiisalu suliasat eqqartuussisoqarfinit innersuussutigineqartut suliarisarpai. Nunatsinni Eqqartuussiviup eqqartuussisoqarfinni eqqartuussisut eqqartuussisoqarfimmilu sulisut ilinniartinneqarnerat ilitsersorneqarnerallu siulersortarpar.

Eqqartuussisoqarfiit suliarisarpaat suliasat innuttaasunut qanittut – tassa pinerlunnermik suliasat, toqusup piisa allanut nuunnerannik suliasat, akiliisitsiniarnermik suliasat, aappariinneq angajoqqaatullu akisussaaneq pillugit suliasat tamarluinnangajaasa.

Kalaallit Nunaanni eqqartuussivinni sulisut 85-it missaanniipput.